



Universitätsbibliothek Paderborn

**ANATOMIAE LVTHERI || PARS PRIMA.|| Das ist/|| Auß den
Siben boesen Geistern des vil See=||len verlustigen vnd
also tewren Manns D.|| Martini Lutheri, die Drey erste
Geister.|| I. Der Fleischlich ...**

Das ist/|| Auß den Siben bösen Geistern des vil See-||len verlustigen vnd
also tewren Manns D.|| Martini Lutheri, die Drey erste Geister.|| I. Der
Fleischlich geist.|| II. Der Lester geist.|| III. Der Lotter geist.|| ...

Pistorius, Johann

1595

VD16 L 3592

Capvt Qvintvm. Von Hertzog Heinrich von Braunschweig dem Ehrliche[n]
grossen Fürsten/ der jetzigen von Braunschweig vnd Lünenburg samptlich/
Wie auch der Hertzogen von Lawenburg Catholischem ...

urn:nbn:de:hbz:466:1-35656

ohn mehrfaltig erinnern zu schliessen hetten/ was von solchem Mann/
desgleichen weder in heiliger Schrifft noch in Kirchen Historien je-
mals einiger Lehrer nicht allein Schelt vnd Schandwort/ Sondern
auch Lotterbüßischer unreiner Spottung wegen zu benennen ist/ zu
halten/ vnd wohin er zu referiren sey. Wir werden aber weiter vnd
villeicht noch abschewlicher sachen hören/ wie er Herzog Heinrichen
von Braunschweig erhandlet/ vnd mit seinem Seiwüßel vmbzogen/
Dauon wir jezund also bald tractiren/ vnd darnach erst den rechten
Schluß anhencken wollen.

CAPVT QVINTVM
AZOARAE IIII.

Von Herzog Heinrichen von Braunschweig dem
Ehrlichen grossen Fürsten/ der jezigen Fürsten
von Braunschweig vnd Lüneburg samptlich/
Wie auch der Herzogen von Lawen-
burg Catholischem Groß-
herrn vattern.

In diesem schreibe der loß Mann/ in vilen vns-
derschiednen Büchern/ Aber sonderlich Anno 1541-
im schandlichen buch wider Hans Wursten/ (Das
also nennet der Gottloß mann den Ehrlichen Fürsten)
der gestalt/ abschewlich hellische schandwort/ daß etlich
legion Teuffel/ wann sie all ihr bosheit mit einander Communicir-
ten/ gewißlich grewlichere Lestierung nit erdencken köndten. Dann in
selbigem einigen Buch sagt er nacheinander folgende Scheltwort/
wie wir sie jezund erzelen wollen.

Hans Wurst (der Herzog von Braunschweig) spei-
et also/ daß man solt mit Ketten vnd Stangen zulauffen/ als zu
einem der mit einer legion Teuffel besessen/ vnstetiger Mann/
des Teuffels schupp/ Der zert vnd plürt sampt allen Teuf-
seln in der Hell/ Der vil Tausent Lügen vñ Vntugent in ihm
hat

Jetzt wirdt der
Sathā gar loß
aus seiner ge-
fengnuß.

hat/ Ein Teuffel der leugt/ Des Teuffels Heins/ darin der
Teuffel zornig ist/ Der verdampft gefangen Heins/ Der mit
werth ist/ daß Luther an Ihn gedencen soll/ Der Teuffel
Jar suchen muß/ ehe er ein kleins Härlein von sei-
nen Ehren findt. Des Teuffels Heins/ der mit dem Teuffel

Don Luthers
geist redet die
Schrift Apo
calyp. 9. Auf ih-
rem mund gieng
feuer vñ rauch
vnd schwebel/
von disen drei-
en ward erdö-
tet das dritte
theil der Men-
schen/ von dem
feuer vñ rauch
vnd schwebel/
der auß ihrem
Mund gieng.
Dan ihr macht
war in ihrem
Mund/ vnd ihr
schweng waren
den Schlangen
gleich ꝛc. Also
wird Luther in
v Schrift con-
trafede/ vñ daß
Luther vñ heupt-
Engel ober sol-
che Pferd vnd
Reuter sey/ ha-
stu hie beneben
angenscheinlich
zu sehen.

fel so vnuerschambe leugt/ vnd die Lügen so genaw suchet/ daß
in allen seinen Büchern nichts dann Lügen sein/ Heins vñ
grober Döspel/ der mit faulen lamem Zotten vmbgehet/ Hans
Wurst/ Döspel/ Knöbel/ Sils/ Des Teuffels Sohn/ der mit
sein vatter der Teuffel verzweifelte/ ehrlose/ verlogne Dö-
wichter sein/ Grober Esel vnd Saw/ der so gar keine Ehr
wie alle vernünfftige Leut bezeugen/ Daß niemand
der Ihn ichtwas Ehrenrührigs schreiben/ vnd
wann schon das Buch so wider Ihn geschriben
würd/ biß zur Welt hinauß reycht/ köndt es doch
nichts von seinen Ehren rühren. Den diser Nam/ daß
man Ihn Hans Wurst nennet/ auß lauter gnad vnd barm-
herzigkeit/ aber gar nicht zu ehren geschicht/ Hans Heins
Wurst/ Caldaunen/ ein verlogner Hans Wurst/ ein
uerschembtel spetender Lugner/ Heins Wolffenbüttel/ der
fel vñ sein Hans Wurst von Wolffenbüttel/ Der alles leugt
Hans Wurst/ ellend Heins vnd Hans Wurst/ Teuffels
sind/ Der Teuffel zu Wolffenbüttel/ Teuffels Maul/ vñ
niger Heins/ beschnen Heins Wolffenbüttel/ Hans Wurst
mit allen Teuffeln vnd Papiſten/ ein Heins/ ein verdamp-
Lugner vnd Böswicht/ ein vnſinniger Hans Wurst/ der
wider sein Gewissen/ ein Kind des Teuffels/ dessen Buch
Heinken buch/ vnd ein rechte Copie vnd Formular auß
Teuffels Cansley genommen ist/ vnd Heinken Teuffel
Dreck ist. Der Schaleck/ der linck Schächer/ Heins Wol-
fenbüttel/ Den Gott schon verurtheilt in banden zur Hell-
schicht

hendt hat/Papistischer Heins/ vnd Heinsiger Papist/gros
 ber Heins vnd grober Esel/grober Silz/Külz/vnd Dölpel/
 Der Esel aller Esel zu Wolfenbüttel/der Mordbrenner/der
 nichts versteht/schreiet Eselgeschrey/Heins/Kloß vnd
 Stein/ Der kein Verstand oder vernunft hat/Heins
 Wurst/ der sich vermessenlich einen Christlichen Fürsten
 nent/ Der Papisten Heins/der in der Schrift so behend ist/
 wie ein Kue auff dem Nußbaum/oder Saw auff der Harpf-
 fen/Ja wen es liegens/lästerns vnd fluchens solt gelten/die
 Papisten solten kein bessern habē/Es ist Vieh vñ Stall/
 sprach der Teuffel/vñ treib seiner Mutter ein Flie-
 gen in Hindern. Seelenmörder/Kirchenrauber/Heins
 vnd Mordbreñer/Heins Mordbreñer/verdampfer Heins/
 Heins Mordbrenner/ Der sich selbst in die Backen hawet/
 vnd leugt als ein schandlich Lügenmaul/ Der so voller Teuf-
 fel/das er ander beliegen darff. Heinsischer Teuffel/Wurst/
 Teuffel/grobe Wurst/schandlicher Lügē Heins/vnd Heins/
 ling/Lästernmaul der Papisten/das Lästernmaul der Papisten/
 Heins/Mordbrenner/Teuffel/Heins Teuffel zu Wolf-
 senbüttel/ Der nicht werth ist/das ein from Mensch sein vnuer-
 schambte Lügen verantworten soll. Er Heins vnd Meins/
 (der Cardinal von Meins/geborner Marggraff von Bran-
 denburg) liegen allbeid/ als verzweifelte Bößwichter. Der
 das Hasen Panier ergriffen/ vnd mit Fersen hinder sich ge-
 hawen hat/ Der lester Heins/der weibisch Meinn/der
 verzagt Schelm Teuffels Heins/Heinsich Teuffel/
 Das giftig Lügenmaul zu Wolfenbüttel/Den Gott ge-
 strafft/das er kein Wahrheit/Lugent/noch Ehr
 versteht/sondern ist vbergeben dem Teuffel/allein alles zu
 liegen/sa alies böses zu thun/alles gutes zu verstören/Teuffel
 Heins/

Das ist des
 Luthers geist
 vnd lauter rein
 Euangelium.

Heins/ vnd Heins Teuffel/ der mit seiner Zungen Gott vnd
 Menschen schändt/ Heins muß liegen/ Heins Meins vñ alle
 Teuffel/ Heins voller toller Fils/ vnd Trunckenbold/ ein vn-
 sinniger wütiger Tyrann/ Der sich nicht voll Weins/ Was denken alle fromme. Her- gen/wañ sie di- ses lesen? Das ein Mensch ein Menschen/ ein Mönch einen Fürste also vn- menschlich an- speien dörfen? sondern voll Teuffel gefressen vnd gesoffen hat/ täglich vnd alle stund/ wie Judas im Abendmahl. Der et- tel Teuffel auß seinem ganzen Leib speiet/ in all- nen Wercken vnd Wesen mit Gottslästerung/ fluchen/ la- gen/ ehebrechen/ wüten/ schenden/ morden/ mordbrennen. Das man seines gleichen in keiner Historien findt. Schand- licher Hurer vnd Ehbrecher / Der voller Teuffel ist/ vnd nicht ein einiges armes Tugendlein an ihm hat. Verdampfer Heins/ Teuffelsgenos/ der mit wüten/ mordbrennen/ all Vnglück im Reich anrichtet/ die Dier- thanen aufffrisset/ nichts anders tag vnd nacht dencket/ dan Mord vñ all Vnglück anzuricht. Ein schön Ebenbild des he- lischen Vatters/ des Teuffels Sohn/ Gibt kein Heller einem armen Menschen. Ist ein Dub/redt mit Cardinalischen We- terwendischen meuchelworten/ Ein Heuchler Zwenjüngger Lugner/ leugt/ meuchelt/ zwynjüget alles was er redt vñ thut. Heins von Wölffenbüttel/ der den Ehtstand vil mehr dan nie keiner geschendet/ Durch sein schandlich vnbusserig verstockte Ehbrecherey/ böß Maul ist zum Teuffel worden. Wolt gern andere auch zum Teuffel machen. Heins Teufel schreibt böse lesterliche Lugenbücher/ Weiß das er bey al- ler Welt vil schandlicher Namen hat/ vnd stinckt wie ein Teuffels Dreck in Teutschland geschmissen/ Des- sen eigener Nam ist / Bößwicht vnd Schalek/ Ein mordbröner/ Den der Hencker hinrichten solt/ wñ man ihn wolt sein recht thun. Der da denckt. Es sey eben so mehr in der Hell gerent als getrabt. Der es darauff setzt/ Wann er
 crimt

NB.
 Des Luthers
 Apotek.

ernorden köndt/ daß er so wenig schonen würd als der Mensch.
 Man muß Judas / Herodes / Nero vnd aller Welt
 Böswichter gegen Ihm schier heilig sprechen. Verzagter
 Schelm/ feldflüchtiger Mann/ Meuchler. Er were
 besser ein Frawehut/ der nichts anders thun solt/
 daß wie ein Eunuchus/ das ist ein Frawenhut/ ste-
 hen in einer Narren Kappen mit einem Fliegen-
 wedel/ vnd der Frawen hüten/ vnd des/ dauon sie
 Frawē heissen/ wie es die grobē Teutschen nēnen.

Ein verzagter Schelm/ Meuchel/ Ehbrecher/ Meuch-
 elmordbrenner/ vnd dergleichen/ Der alles heimlich oder
 meuchling thut/ von dem keins freydigs Manns That je ge-
 hört ist/ Der seines gleichen oder ein Mann wol zu friden leset/
 thut alles gegen wehrlosen Leuten/ schlegt kein redlich/ Ein
 solcher Meuchel/ Mordbrenner/ den ein zornige Kack solt
 auß dem Feld jagen/ wann er allein were/ Ein Eisenfresser im
 Maul mit schandlichen Worten/ mit schweren vnd Mar-
 tern/ fleucht auß der Schlacht/ Hat sich vñ Teuffel ge-
 fressen vnd gesoffen/ vnd speiet eitel Teuffel auß
 seinem hellischen Rachen/ verzagter Frawenhut/ Der
 schandlichst Mensch den die Sonn beschienen hat/ ein Eh-
 brecher/ Mörder/ Mordbrenner/ des Teuffels Heink/ ein
 erklerter Erhmeuchelmörder/ Ein Bluthund/ des gleichen nie
 erhört ist vnder der Sonnen/ ein Angstböswicht/ ein Meuch-
 elmordbreiter/ Der mit Ketten Göttlichs gerichtis vñ Ban-
 den zur Hellen gefangen/ wie alle Teuffel auch. Ein verzwei-
 felter Meuchler/ Frawenhut/ vnd verzagter Schelm/
 ein Worst vnd unsinniger Narr/ schandlicher Heink/ vn-
 verstandiger Narr/ Der nicht ehe solte ein Buch schreiben/

D 2

Er het

Also gebürt ei-
 nem Priapisten
 Luthern von
 Fray Venus
 sachen zu schrei-
 ben.

Daß dieses der
 Luther thu/ be-
 weist er also
 bald in diesem
 Text.

Luther Nun-
 nenhut.

Ist ein herrlicher
Bos/ gehört mitten in
des Luthers
Euangelium.

Er hette dann ein Fork von einer alten Sack ge-
hört/ Solt er sein Maul gegen auffsperrren/ vnd
sagen/ Danck hab du schöne Nachtigal/ da hör ich
ein schönen Text/ der ist für mich. Heins Posenhut/
Mörder/ Bluthund/ Ersmuchelmörder/ der zum hellischen
Fener verdampft/ kan hie nicht geschmächet werde. Solt
dermann auff die erden speien Gott zu ehren/ wo
er Heintzen sihet/ vnd meniglich die Ohren zuschla-
ten/ wo er Jhn hört nennen/ gleich wie er wolt ge-
gendem Teuffel selbst thun/ Vnd sein all verdampft
Jhm dienen. Es sey Speier/ Drucker/ Adel/ vnd wer es sey.
Ein vermaledeiter Bluthund/ Meucheler/ Mordbrenner/
Mordbrenner/ Heinsischer Papist/ vnd Papistischer
Mörder Heins/ Meuchelmordbrenner/ Mordbrenner-
zagter Posenhut/ Meuchelmördischer Heins/ Meuchel-
mordbrenner/ Mordbrenner/ der Mordbrenner/ Haupt-
schalek vnd Hauptmann/ Der das fener verdient/ vnd
mehr vor der Welt mit keinen Ehren kan ein
heissen/ sonder durch Gottes vrtheil ein Ersmuchelmord-
brenner gesprochen vnd gehalten soll werden. Ein ver-
zagter Schelmen Heins/ Feldtflüchtiger Heins/ ver-
zagter Frauenhut/ Meuchel Heins/ Arger Heins/
der arg Judas/ Meuchelmordbrenner/ für dessen Sünden
ther nicht mehr bitten wil ꝛc.

Welche wort alle in obgemeltem einigen Buch nicht ein-
sondern oft repetirt sehn/ Vnd bleibt nicht bey diesem Buch
dern hin vnd wider in etlichen andern Büchern vor vnd nach
Jhn allenthalb Ehrenrührig an/ vnd treibt mit Jhm sein
nach allem Mutwill/ muß nimmer anders dann Bluthund

Meuchelmörder/Heintz/ vnd dergleichen genant werden/
 Wie er Jhn sonderlich Tom.7. In der Vorred vber den 52. Psal-
 men Urbani Regij fol. 432. Ein Bluthund/ Meuchel-
 mörder/ vnerhörter Bößwicht/ der allein Gottes
 Zorn vnd Straff vorbehalten sein soll/ Ein Mord-
 brenner/ vnd (Tom.8.fol.85. Im buch von den Juden vnd ih-
 ren lügen. Anno 1543.) Den Meuchelmordbrenner von Wolf-
 senbüttel/ Der heiligen Römischen Kirchen nach dem Car-
 dinal zu Meinz einiges Heiligthumb vnd Kleinot/ vnd (im sel-
 ben Tomo fol.248. vnd 249. Im Brieff an Landgrafen. Anno
 1545.) ein storecht/wild/vngezogen Zweig im Stamm Braun-
 schweig/ Der sein guten Namen vnd Trew verloren/ ein
 Benhadad/ ein rasenden blutdürstigen Verräther vnd Blut-
 hund/ wie auch alle Papiſten ſeien. Ein Tyrannen/Gottsläs-
 terer vnd ſolchen Vbelthäter/ Daß ihrer vil auff dem
 Rad ligen/ die ſeiner täglichen Sünd kaum zwo
 gethon/Heintz/ Mordbrenner/ Der Himmel vnd Er-
 den mit ſeinem Zettergeſchrey erfüllet/ Der ſeines Fürſten-
 thumbs mit allem Recht vnd mit groſſer Gottes gnad durch
 die Gefengnuß entſetzt/ vnd zu keinem Fürſtenthumb taug/
 Vnd mit andern vilen Läſterworten ſchandlich nambt/ Inmaſſen
 auch geſchicht (Tomo 8.fol.7. Im Exempel/einen Chriſtlichen Bi-
 ſchoff zu weißen. Anno 42.) Da er muß bey Doctor Saw/Wi-
 ſchel/ Löpel/Schmidt/ Koſlöffel/ Brunnſcherben/ Zellerle-
 ſter geſetzt/ vnd (Tomo 7.fol.392. Anno 40. In der Vorred vber
 die Defaninuß Roberti Barns.) Heintz Mordbrenner/ der durch
 ſchaden thun ſo vil guts ſchaffet/ daß Lütſer halt/ Wann er
 gleich ins Paradeiß kem/ ſolt ſein Bößheit dan-
 noch zur Hellen werden/ weil nicht geſchehen iſt/ was er
 gewolt. Item (In vermanung wider den Türcken. Anno 41. ibi-
 dem fol.440. vnd hernach fol.440.441.445.446.) Er vnd der

In ſolch Para-
 deiß gehört Lu-
 ther/ darinn die
 Hell ſein kan.

Herr Cardinal von Brandenburg Meins vnd Heins vnd
zweifelte Meuchler/ Verräther/ Mordbrenner/ Bößwicht/
Die selbst gern Teuffel weren/ Davon Luther ge
wisßlich weiß/ Daß Ihr (des Heingen vnd Meingen) ge
dancken also sein/ Wann Ihnen Gott im Himmel
nicht helfen wil/ daß sie begeren/ Daß Ihnen al
le Teuffel in der Hell helfen sollē. Ein Teuffel Heint
des Teuffels/ Türcken/ Mahomeis/ Judas vnd aller Bö
thäter gesell/ vnd der Teuffel selbst. Item (Tom. 7. fol. 44.
Anno 41. In vermanung wider den Türcken/) ein verzei
Bub/ Heins/ Mordbrenner sein zc.

Summarum/ des vnmenslichen scheltens/ damit er den
lichen Fürsten des Reichs in vnderchiednen Büchern beschawet
kein end/ Vnd schäm Ich mich das vberig alles/ was hin vnd wider
noch ferner eingestrewet worden/ alhier einzubringen/ oder alles was
er in gemein vom Papp/ dem Cardinal zu Meins/ vnd Herzog
richen anzeucht/ vnd Ich theils junior vnder des Pappis vnd Car
nals Schmädhungen erzelt/ widerumb zu erholen/ Allein daß Ich
end das Gottslästerlich Lied/ so der Schandekuther dem
Fürsten von Braunschweig zum beschluß angemelten Buches
der Hans Wursten/ ohv zweifel auß seines Vatters des
eingeben/ gerühmet vnd in Druck geben hat/ bezeichnen muß/

Herzog Hein
rich von Braun
schweig.

NB.

Das trifft al
le Herrn von
Braunschweig
an / wann die
Natur vnd der
Stamm frech/
vngelhalten vnd
Tyrannisch sein
soll/ wie Luther
seugt.

so lautet:

Ach du arger Heins/ (a) was hastu gethan/
Daß du vil frommer Menschen durchs Fiewr hast
den lahn/

Des wirstu in der Helle leiden grosse Pein/
Lucifers gefelle mußtú ewig sein/ Kyrioleis.

Wie er auch in Eischreden/ ein Tyrann/ meinydiger
zentius/ Brandmörder/ verlogner Mensch/ der von Natur
vnd auß Art seines Stammens wild vnd Tyrannisch
(Tom. 1. Colloquiorum Lat. fol. 93.) natura & progenie
rox & truculentus est.

Heisset das nun ein Fürsten/ oder auch in genere ein Christli-
chen Menschen nicht aufgeholbt/ vnd an welt vnd geistlichen Ehren
verleumbdt/ vnd können die Fürsten von Braunschweig/ Lünenburg/
Lauenburg/ vnd andere so von Ihme erboren/ oder Ihm mit Bluts-
freundschaft zugewandt sein/ solchen vnmenslichen grewlichen
Muthwillen vertragen/ vñ nicht vil mehr spüren/ Das Luther ein Land-
plag vnd Teuffels Apostel gewesen/ weiß Ich niemand zu rachen.
Einmal ist dergleichen in der Kirchen Gottes nicht erhöret/ Sonder-
lich wann die stinckende vnder solche Scheltwort eingemengte vnd in
ihren sonderlichen Spiritum gehörig scurriliteten dazu kommen.
Zum andern/ ist vnmöglich/ Das der gut Geist Gottes bey diesem lie-
gen vnd lästern sein mögen. So wil Ich zum dritten gern vernemen/
Wann ein Catholischer Messner mit Lutherischen Fürsten sein vngewas-
chen Maul ebener gestalt brauche wolt/ was man dach von Ihm
halten wurde? Bitt auch vmb weniger Partheiligkeit willen vnd zu
mehr erledigung der gefangnen Iudicien/ diß alles dahin zu rech-
nen/ als hett ein Catholischer schlechter Mann dergleichen Scheltung
wider die jetzige Herrn von Sachsen/ Brandenburg/ Braunschweig ic.
ergossen/ Vnd also schließlich zu vrtheilen/ was von solchem Fürsten-
schender zu halten/ vnd woher zu vermeynen sey/ das besagte abschew-
liche Schmähung vnd Verspottung herfiessen. Dann Ich für mein
Person weiters nicht begert/ vnd wolt alsdann hoffen/ wenig Lu-
therische bey Ihrer gefassten opinion vnd Irrthumben verbleiben
würden.

CAPVT SEXTVM.
AZOARAE IIII.

Von andern Weltlichen Fürsten des
Teutschlands.

Weiter hat er in specie Weltliche Fürsten nicht
sonderlich angerüret/ als das er die Herzogen auß
Beyern vornemblich in Tischeden wendlich durch-
jagt/ vnd (Tom. 3. In der Geschicht von Leonhart
Keyfern) Tyrannen/ wütige/ verstockte Papi-
sten